

Transkription von Urkunde HST 1326b

Ort, Datierung: Stralsund, 1326-08-14

Signatur: Stadtarchiv Hansestadt Stralsund, StU 0208 [\[online\]](#)

Inhalt: Ritterschaft zu Rügen: Bündnis

In godes namen amen. Alle den, de desse yegenwordegen scrift sen êdder hören den enbede wÿ riddere knapen vnde de gantze menheÿt des landes to Ruÿen dat bevloten is mit dême / solten watere ewegen heÿl an göde. Wi bekennen des vnde betûgent ôpenbare in desme iêgenwordegen breue dat wÿ usic endraghtliken ver enet vnde ver bunden hebben ewegliken mit den / ratmannen oldermannen vnde mit der gantzen menheÿt der stadt tôme Stralesunde aldûsdane wÿs dat wi en scolen erstan al êres reghtes vnde wÿ en scôlen mit neneme hêren dêgedinghen edder / nenen heren nogh vöremûndere kêsen ane êre yawort, rat, vulbort vnde wille vnde wÿ scolen bi en bliven gantzliken tō dÿe vnde to verderve Ok enscôle wÿ nenerleye degedinghe dêgedinghen mit yene-/geme hêren êdder tōn eneme hêren kûren et en si dêger mit êreme rade vnde mit êreme willen vnde scolen se vore dêgedinghen lik vs in allen stücken. Vortmer en scole wÿ êrer night afstan / men wÿ scolen bÿ en ewegliken bliuen in al êren nōden. Vppe dat dat alle desse dinc ganz stêde vnde vast ewegliken werden ghehōlden . so hebbe wi riddere vnde knapen de hirna bescreven sint / den êraftigen lûden, den ratmannen vnde den oldermannen der stat tome Stralessunde vntruwen ghelōvet mit sameder hant vnde hebben dessen bref en dar up gheghêven den wÿ mit unsen ynghe-/sêgelen hebben ghe vestet . Dit si wÿ, de dar ghelêuet hebben:

her Stoÿslaf Borante van Putbuzk , Rickolt vanme Smaghteshagene , Thêtze Stanghenbergh , Hinric mit der Plate , Hinric van dême Bughe / Conrad van dême Bughe , Merten Rodemunt , Willeken mit der Platen , Johan Brunewic , G_zslaf S_m , Rōlof van Tornouwe , Claws van dême Wolde , Udo , Hinric van der Osten , riddere / Borante vnde Thetze van Putbuzke , lûtteke Slaweke , svarte Slaweke , Herman van Vican , Pritbor Rodemunt , Pritbor van der Lanken , Sulislaf van der Lanken , Thomas mit der Platen , Henneke van der Ost / Vico van der Ost , Pribe Gaweren , Willeke vnde Tesslaf Pribensōne , Claws Slawenovitz , Frederic Quaaz Henneke Vÿritz, Claws Vÿritz , Ralic vnde Henneke , sin brōder , Suum , Thideke Suum , Henneke van / dême Kalen , Claws van dême Kalen , êverd van Pêretze , Jacob Zabecitz , Claws Wusseke , Hinric van der Helle , Lûdeke Plotze , Bernard Plotze , Reÿner Grundÿs , Conrad van dême Bughe , Thetze / Brunewic , Krakevitz , Tesmer Norman , Henneke Norman , Claws Norman , Jacob Bōnouwe, Arnold Bōnouwe , Peter van Lobbÿn , Barnus Pōsdevolc , Tesdargh Pōsdevolk , Tzitsebur , Dargomer , Herman van ôas=/munde , Henneke Smantevitz , knapen Desse bref is ghe ghêuen vnde ghe scrêuen na gödes bort dusent ÿar drehundert ÿar in dême ses vnde tvintegesten ÿare in dême auende der hemmeluart unser vruwen